

اتوار 12 جولائی، 2026

مضمون۔ ساکرامنٹ

سنہری متن: میکاہ 6 باب 8 آیت

”خداوند تیتھوں ایہدے سواہور کیہ چاؤندا اے پئی توں انصاف کریں تے رحمدلی نوں عزیز رکھیں تے اپنے خداوند دے سامنے فروتنی نال ٹریں؟“

جوابی پڑھائی: عبرانیوں 9 باب 11 توں 15 آیتاں

11۔ پر جدوں مسیح آؤن والیاں چنگلیاں شیواں داسر دار کاہن ہو کے آیا تے اوس بزرگ تر خیمے دی راہ توں جیہڑا ہتھاں نال بنیا ہو یا یعنی ایس جگ دانئیں۔

12۔ تے بکریاں تے مچھڑیاں دالو لے کے نئیں بلکہ اپنا ای لالے کے پاک مکان وچ اک ای واری وڑھ گیا تے ہمیشہ دی خلاصی کردائی۔

13۔ کیوں جے جدوں بکریاں تے لگیاں دے لوتے گانواں دی سواہ ناپاکاں اُتے چھڑکن نال ظاہری پاکیزگی حاصل ہندی ہے۔

14۔ تے مسیح دالو جنہے اپنے آپ نوں ازلی روح دے راہیں رب دے سامنے بے عیب قربان کیتا تھا دے دلاں نوں مردہ کماں توں کیوں نہ پاک کرے گاتاں جو جیوندے رب دی عبادت کرن۔

15۔ تے ایسے پاروں اوہ نویں عہد دا بانی اے تاں جو اس موت دے پاروں جیہڑی پرانے عہد دے ویلے قصور واراں دی معافی لئی ہوئی اے بلائے ہوئے لوکی وعدے دے مطابق ہمیشہ دی میراث نوں حاصل کرن۔

درسی وعظ

بائبل وچوں

1۔ متی 4 باب 23 آیت

23۔ تے یسوع سارے گلیل وچ پھر دارہیا تے اوہناں دے عبادت خانیاں وچ تعلیم دیندا تے بادشاہی دی خوشخبری دی منادی کردا تے لوکاں دی ہر طراں دی بیماری تے نت کمزوری نوں دور کردارہیا۔

2۔ متی 5 باب 1، 2، 7 آیات

1۔ اوہ ایس جتھے نوں ویکھ کے پہاڑ اُتے چڑھ گیا تے جد بیٹھ گیا تے اوہدے چیلے اوہدے کول آئے۔

2۔ تے اوہ اپنی زبان کھول کے اوہناں نوں پنج تعلیم دین لگیا۔

7۔ دھن نیں اوہ جیہڑے رحم دل نیں کیوں جے اوہناں اُتے رحم کیتا جاوے گا۔

3- متی 12 باب 1 (رب) توں 13 آیتاں

- 1- اوس ویلے یسوع سبت دے دن کھیتاں وچوں ہو کے گیتے اوہدے چیلیاں نوں پکھ لگی تے اوہ بالیاں توڑ توڑ کے کھان لگ پئے۔
- 2- فریسیاں نے ایہہ ویکھ کے اوہنوں آکھیا پئی ویکھ تیرے چیلے اوہ کم کردے نیں جیہڑے سبت دے دن کرنا جائز نیں۔
- 3- اوہنے اوہناں نوں آکھیا پئی کیہ تسی ایہہ ننیں پڑھیا پئی جد داؤد تے اوہدے ساتھی پکھے سی تے اوہنے کیہ کیتا؟
- 4- اوہ کیوں رب دے گھر گئے تے نذر دیاں روٹیاں کھا دیاں جنہاں نوں کھانا نہ اوہدے لئی جائز سی نہ اوہدے ساتھیاں لئی پر سوائے کاہن دے؟
- 5- یا تسی توریت وچ ننیں پڑھیا پئی کاہن سبت دے دن ہیکل وچ سبت دی بے حرمتی کردے نیں تے بے قصور رہندے نیں؟
- 6- میں تہانوں آکھداواں پئی ایہتھے اوہاے جیہڑا ہیکل توں وی وڈھااے۔
- 7- پر جے تسی ایہدا مطلب جان دے پئی میں قربانی ننیں رحم پسند کرداواں تے بے قصور اں نوں قصور وار نہ ٹھہراؤندے۔
- 8- کیوں جے ابن آدم سبت دا مالک اے۔
- 9- تے اوہ اوہنوں ٹر کے اوہناں دے عبادت خانے وچ گیا۔
- 10- تے ویکھو اوہتھے اک بندہ سی جیدا اک ہتھ سکلیا ہو یا سی۔ اوہناں نے اوہدے اُتے الزام لاؤن دے ارادے نال بچھیا پئی کیہ سبت دے دن شفا دینا جائز اے؟
- 11- اوہنے اوہناں نوں آکھیا پئی اجیہا کون اے جیدی اک بھیڈ ہووے تے اوہ سبت دے دن کھڈے وچ ڈگ پووے تے اوہ اوہنوں پھڑ کے نہ کڈھے؟

12- ایس لئی بندے دی قدر تے بھید توں کتر بوہتی اے ایسے لئی سبت دے دن نیکی کرنا جائز اے۔

13- تد اوہنے اوس بندے نوں آکھیا پئی اپنا ہتھ ودھا۔ اوہنے ودھایا تے اوہ دو بے ہتھ وانگر چنگا ہو گیا۔

4- مرقس 1 باب 39 توں 42 آیتاں

39- تے اوہ سارے گلیل وچ اوہناں دے عباد تنخائیاں وچ جا جا کے منادی کردا تے بد روحاں نوں کڈھدا رہیا۔

40- تے اک کوڑھی نے اوہدے کول آ کے اوہدی منت کیتی تے اوہدے سامنے گوڈھے ٹیک کے اوہنوں آکھیا بے توں چاہویں تے مینوں پاک صاف کر سکدا ایں۔

41- اوہنے اوہدے اُتے ترس کھا کے ہتھ ودھایا تے اوہنوں چھو کے اوہنوں آکھیا میں چاؤہناں والی پئی توں پاک صاف ہو جا۔

42- تے چھیتی نال اوہدا کوڑھ جاندا رہیا تے اوہ پاک صاف ہو گیا۔

5- لوقا 10 باب 25 توں 37 آیتاں

25- تے ویکھو اک شروع دا عالم اٹھیا تے ایہہ آکھ کے اوہدی آزمائش کرن لگیا پئی اے استاد! میں کیہ کراں کہ ہمیشہ دی حیاتی دا وارث بناں؟

26- اوہنے اوہنوں آکھیا پئی تو ریت وچ کیہ لکھیا اے؟ توں کیہ پڑھدا ایں؟

27- اوہنے جواب وچ اوہنوں آکھیا پئی توں خداوند اپنے رب نال اپنے سارے دل تے اپنی ساری جان تے اپنی ساری طاقت تے اپنی ساری سیان نال محبت رکھ تے اپنے گوانڈی نال اپنے برابر محبت رکھ۔

- 28- اوہنے اوہنوں آکھیا توں ٹھیک جواب دتا۔ ایہہ ای کرتے توں جیوندہ رہویں گا۔
- 29- پراوہنے اپنے آپ نوں راستباز بناؤن دی غرض نال یسوع نوں پچھیا فیر میرا گوانڈی کون اے؟
- 30- یسوع نے جواب وچ آکھیا پئی اک بندہ یروشلیم توں یریکونوں جارہیا سی پئی ڈاکو وواں وچ پھڑیا گیا۔ اوہناں نے اوہدے کپڑے لاہ لئے تے ماریاوی تے ادھ مویا جھڈ کے ٹر گئے۔
- 31- اتفاق نال اک کاہن اوس راہ وچ جارہیا سی تے اوہنوں ویکھ کے کتراکے ٹر گیا۔
- 32- ایسے طراں اک لاوی اوس تھاں تے آیا۔ اوہوی اوہنوں ویکھ کے کتراکے ٹر گیا۔
- 33- پراک سامری سفر کردیاں کردیاں اوہ تھے آگیا تے اوہنوں ویکھ کے اوہنے ترس کھادا۔
- 34- تے اوہدے کول آکے اوہدے زخماں اُتے تیل تے مے لاکے بنھیا تے اپنے ڈنگر اُتے سوار کر کے سرائے وچ لے گیا تے اوہدی خبر گیری کیتی۔
- 35- دو جے دن دودینار کڈھ کے بھٹیاریے نوں دتے تے آکھیا پئی ایہدی خبر گیری کریں تے جو کجھ ایہدے توں ودھ خرچ ہووے گا میں فیر آکے تینوں دے دیواں گا۔
- 36- ایہناں تنہاں وچوں اوس بندے دا جیہڑا ڈاکو وواں وچ پھڑیا گیا سی تیرے خیال وچ کون گوانڈی سی؟
- 37- اوہنے آکھیا اوہ جنسے اوہدے اُتے رحم کھادا۔ یسوع نے اوہنوں آکھیا جا، توں وی ایہی کر۔

6- متی 26 باب 17 توں 20، 26 توں 28 آیتاں

- 17- تے عیدِ فطیر دے پہلے دن چیلیاں نے یسوع دے کول آکے آکھیا توں کتھے چاؤناں پئی اسی تیرے لئے فسخ کھاؤن دی تیاری کریئے؟

18- اوہنے آکھیا شہر وچ فلاں بندے دے کول جا کے آکھنا استاد آکھدا اے پئی میرا ویلہ نیسٹڑے اے۔ میں اپنے چیلیاں دے نال تیرے ول عید فصح کراں گا۔

19- تے جیویں یسوع نے چیلیاں نوں حکم دتا سی اوہناں نے اونج ای کیتا تے فصح تیار کیتی۔

20- جدوں شام ہوئی تے اوہ بارہ چیلیاں دے نال کھانا کھان میٹھیا سی۔

26- جدوں اوہ کھا رہے سی تے یسوع نے روٹی لئی تے برکت دے کے توڑی تے چیلیاں نوں دے کے آکھیا لو کھاؤ۔ ایہہ میرا بدن اے۔

27- فیر پیالہ لے کے شکر کیتا تے اوہناں نوں آکھیا تھی سارے ایہدے وچوں پیو۔

28- کیوں جے ایہہ میرا وہ عہد دا خون اے جیہڑا بہتیریاں لئی پاپاں دی معافی لئی وگایا جاندا اے۔

7- رومیوں 12، 1، 2 آیتاں

1- ایس لئی اے بھراؤ۔ میں رب دیاں رحمتاں یاد کرا کے تہا تھوں درخواست کرداواں پئی اپنے بدن اچھی قربانی ہون لئی نذر کرو جیہڑی زندہ تے پاک تے رب نوں پسندیدہ ہووے۔ ایہہ ای تہاڈی معقول عبادت اے۔

2- تے ایس جہان دے ہمشکل نہ بنو بلکہ سیان نویں ہو جاؤن نال اپنی صورت بدل دے جاؤ تاں جوں رب دی نیک تے پسندیدہ تے کامل مرضی تجربے نال پتا کر دے رہو۔

سائنس تے صحت

1- 22-19:241

ساری جاٹاری داماد الہی پیار، بیماری دی شفا تے پاپ دی تباہی دا پرچھانو ا تے اظہار اے۔ ساڈے مالک نے آکھیا،
 ”جے تسی میرے نال پیار کر دے او تے میرے حکماں اُتے عمل کرو گے۔“

2- 9-5:4

اپنے استاد دے حکماں اُتے عمل کرنا تے اوہ دے نمونے اُتے ٹرنا ساڈے اُتے اوہ اٹھیک قرض اے تے جو کجھ اوہنے
 کیتا اوہدی شکر گزاری دا کلاہ چنگا ثبوت اے۔

3- 31-22:25

بھانویں پاپ تے بیماری اُتے اپنا اختیار ظاہر کر دیاں ہوئے، وڈھے استاد نے کسے طراں وی دو جیاں نوں اوہناں دے
 تقویٰ دے مطلوبہ ثبوت دین وچ مدد نہیں کیتی۔ اوہنے اوہناں دی ہدایت لئی کم کیتا، پئی اوہ ایس طاقت دا اظہار پنج ای
 کرن جیویں اوہنے کیتا تے ایہدے الہی اصول نوں سمجھن۔ استاد اُتے پورا ایمان تے اوہ سارا جڈا باقی پیار جیہڑا اسی
 اوہدے اُتے نچا ور کر سکدے آں، بس ایہہ ای ساہنوں اوہدے مگر ٹرن والے نہیں بناؤن گے۔ ساہنوں جا کے
 اوہدے وانگری ای کم کرنا چاہیدا اے، نہیں تے اسی اوہناں وڈھیاں برکتاں نوں نہیں ودھارہے جیہڑیاں ساڈے مالک
 نے ساہنوں دین لئی کم کیتا تے تکلیف سہی۔

4- 27-22:27

یسوع نے اک ای ویلے وچ ستر لوکاں نوں گھلیا، پر بس بارہنئے ای ضروری تاریخی ریکارڈ بنا سکے۔ روایت اوہدے سر اُتے دو یاتن سوچیلیاں دا ای سہرا بن دی اے جنہاں دا کوئی ناں نشان نہیں ملیا۔ ”بلائے ہوئے تے بوہت نیں پر برگزیدہ تھوڑے نیں۔“ اوہ فضل توں دور ہو گئے نیں کیوں جے اوہناں نے اصل وچ اپنے مالک دی ہدایت نوں نہیں سمجھیا سی۔

5- 32-26:135

مسیحیت جیویں یسوع نے ایہدی تعلیم دتی سی کوئی بھید یا تقریبیاں دا اک نظام نہیں تے نہ ای اک رسمی بیہواہ ولوں کوئی تحفہ اے؛ بلکہ ایہہ غلطی نوں مکھن تے بیمار نوں شفا دین لئی پیار دا اظہار سی، صرف مسیح یا سچائی دے ناں نال نہیں، بلکہ سچائی دے اظہار وچ، جیویں دا معاملہ الہی لودے سلسلے دا ہو یا ہوئے گا۔

6- 17-13،4-1:54

اوہنے انسانی حیاتی دی عظمت دے پاروں الہی حیاتی نوں ظاہر کیتا۔ اوہدے خالص خلوص دی وسعت دے پاروں اوہنے محبت دی وضاحت کیتی۔

اوہدے الہی اختیار دی گواہی وچ، اوہنے ایہہ ثبوت فراہم کیتا پئی حیاتی، سچائی تے محبت بیمار تے پانی نوں شفا دیندے نیں تے سیان دے پاروں نہ کہ مادے دے پاروں موت اُتے فتح پاؤندے نیں۔ الہی پیار دا ایہہ سب توں اچا ثبوت سی جیہڑا اوہ پیش کر سکدا سی۔

7- 24-19:51

اوہدا کامل نمونہ ساڈے ساریاں دی مکتی لئی سی، پر صرف اوہ کم کرن دے راہیں جیہڑے اوہنے کیتے تے دو جیاں نوں اوہناں دی تعلیم دتی۔ شفا لئی اوہدا مقصد بس صحت دینا نہیں سی بلکہ اپنا الہی اصول ظاہر کرنا وی سی۔ جو کجھ اوہنے آکھیا تے کیتا اوہدے وچ اوہ رب توں، سچیاں تے پیار توں متاثر سی۔

8- 30-25:40

ساڈا اسمانی پیو، الہی محبت، ایہہ مانگ رکھدا اے پئی ساہنوں ساڈے مالک تے اوہدے چیلیاں دے نمونے مگر ٹرناں چاہیدا اے تے بس اوہدی شخصیت دی عبادت نہیں کرنی چاہیدی۔ ایہہ گل افسوس ناک اے پئی الہی خدمت دا جملہ عام طور تے روزانہ دے کماں دی بجائے عوامی عبادت دے معنیاں دے نال آیا اے۔

9- 2-25:487

یعقوب رسول نے آکھیا، ”توں اپنا ایمان بغیر اعمالاں دے مینوں دکھاتے میں اپنا ایمان اعمالاں نال تینوں دکھاواں گا۔“ حیاتی دی لازوال اصلیت، ایہدی قدرت تے لافانیت اُتے ساڈے یقین نوں مضبوط کر دیاں ہوئے ایہہ فہم پئی رب، روح، حیاتی اے ساڈے دنیاں نوں ودھا وندا اے۔

ایمان اک سمجھے ہوئے اصول اُتے انحصار کر دالے۔ ایہہ اصول بیمار نوں ٹھیک کر دالے تے برداشت تے شیواں دے ہم آہنگ مریحیاں نوں ظاہر کر دالے۔ ساڈیاں تعلیمیاں دا نتیجہ اوہناں دی لوڑ دے ویلے کیتی ہوئی تصدیق اے۔

10- 27-15:32

”جدوں اوہ کھا رہے سی تے یسوع نے روٹی لئی تے برکت دے کے توڑی تے چیلیاں نوں دے کے آکھیا لو وکھاؤ۔ ایہہ میرا بدن اے۔ فیر پیالہ لے کے شکر کیتا تے اوہناں نوں دے کے آکھیا تے سارے ایہدے وچوں پیو۔“

جے ایس ساکرامنٹ نوں روٹی تے مے نوں ورتن نال محدود کر دتا جاوے تے اصلی جوہر روحانی طور تے ختم ہو جاندا اے۔ چیلیاں نے روٹی کھائی سی، فیرو یسوع نے دعا کر کے اوہناں نوں روٹی دتی۔ ظاہری لحاظ نال ایہہ شاید بیوقوفی والی گل ہووے، پر ایہدے روحانی مفہوم وچ ایہہ فطری تے خوبصورت گل سی۔ یسوع نے دعا کیتی، اوہنے ہور روشن، ہور روحانی خیالاں دے نال اپنے دل نوں تازہ دم کرن لئی مادی حساں توں لیا۔

11- 19:35 (ساڈا پتسمہ)۔ 29

ساڈا پتسمہ ساری غلطی توں ساڈی پاکیزگی اے۔ ساڈی کلیسیا الہی اصول، محبت اُتے قائم اے۔ اسی ایس کلیسیا وچ بس روح وچ نومولود ہندیاں ہوئے اکٹھے ہو سکدے آں، جدا سی محبت دے پھل لاؤندیاں ہوئے، غلطی نوں کڈھ دیاں ہوئے تے بیماراں نوں شفا دیندیاں ہوئے اوس حیاتی تیکرا پڑ دے آں جیہڑی سچائی اے تے اوس سچائی تیکرا پڑ دے آں جیہڑی حیاتی اے۔ ساڈا یو خرسٹ اک رب دے نال روحانی شراکت اے۔ ساڈی روٹی ”جیہڑی آسمان توں

بائبل دا ایہہ سبق فلپین فیلیڈ کرچن چرچ، آزادو لوں تیار ہو یا۔ ایہہ کنگ جیمز بائبل ویاں آیتاں تے میری یکیرا پڑی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

اتردی اے، “سیچائی اے۔ ساڈا پیالہ صلیب اے۔ ساڈی مے یعنی اوہ مے جیہڑی ساڈے مالک نے پیتی تے اپنے پیر وکاراں نوں وی ایسا حکم دتا، محبت دا الہام اے۔

12- 27:33 (مسیحی)۔ 17

مسیحیو! کیہ تسی اوہدا پیالہ پی رہے او؟ کیہ تسی نوں عہد دا لہو ونڈیا اے، یعنی اوہ تکلیفاں جیہڑیاں رب دے بارے اک نوں تے اُچے فہم نوں پیش کر دیاں نیں؟ جے ننیں تے کیہ تسی آکھ سکدے او پئی تسی اوس پیالے وچ یسوع دی یادگاری منائی اے؟ اوہ سارے جیہڑے یسوع دی یادگاری وچ روٹی کھاندے تے مے پیندے نیں اوہ اصل وچ اوس پیالے تے اوس صلیب وچوں ونڈن لئی تے مسیح دے اصول دی خاطر سب کجھ چھڈن لئی راضی نیں؟ تے فیر ایس الہام نوں اک مردہ رسم نال کیوں منسوب کیتا جاندا اے بجائے کہ غلطی نوں دور کر دیاں ہوئے تے بدن نوں ”پاک تے رب لئی قبول کرن دے قابل“ بناؤندے ہوئے، ایہہ دکھایا جاوے پئی سیچائی دا فہم ملایا ہو یا اے؟ جے مسیح، سیچائی اظہار وچ ساڈے کول آیا اے تے کسے دوجی یادگاری دی لوڑ ننیں اے، کیوں جے اظہار اعمانویں یارب ساڈے نال اے؛ تے جے کوئی دو جا ساڈے نال اے تے اوہدی یادگاری مناؤن دی کیہ لوڑ اے؟

جے اوہ سارے جنہاں نے ساکرامنٹ وچ حصہ لیا یسوع دے دکھاں دی اصل وچ یادگاری منائی سی تے اوس پیالے وچوں پیتا سی تے اوہ جگ وچ انقلاب لے آؤندے۔ اوہ سارے جیہڑے مادی علامتاں دے راہیں اوہدی یادگاری نوں لبھن والے نیں اوہ سولی چکلن گے، بیماراں نوں شفا دین گے، بدروحاں نوں کڈھن گے تے مسیح، سیچائی دی خوشخبری غریباں، منفی سوچ والیاں نوں دین گے، اوہ ہزار سالہ دور لیاؤن گے۔

13- 26-16:55

میری خستہ حال امید اوس خوشی دے دن دا احساس دلاؤن دی کوشش کردی اے، جدوں انسان مسیح دی سائنس نوں سمجھے گاتے اپنے گوانڈی نال اپنے وانگر پیار رکھے گا، جدوں اوہ ایہہ جانے گا پئی رب قادر مطلق اے تے جو کجھ اوہنے انسان لئی کیتا اے تے کر رہیا اے اوہدے وچ الہی محبت دی شفا نیہ طاقت نوں جانے گا۔ وعدے پورے کیتے جان گے۔ الہی شفا دے دوبارہ ظاہر ہون دا ویلہ ہر ویلہ ہندا اے؛ تے جو کوئی وی اپنا دھرتی والا سب کجھ الہی سائنس دی الطار اُتے رکھدا اے، اوہ ہن مسیح دے پیالے وچوں پیندا اے، تے اوہ روح تے مسیحی شفا دی طاقت نال ملبوس ہندا اے۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے

بائبل دا ایہہ سبق پلیمین فیلڈ کرچن چرچ، آزاد ولوں تیار ہو یا۔ ایہہ کنگ جیمز بائبل ویاں آجیاں تے میری بیکرا ایڈی دی لکھی ہوئی کرچن سائنس دی وری کتاب، ”سائنس تے صحت آجیاں دی کنجی دے نال“ وچوں لیاں ہوئیاں لازمی تحریراں نال بنیاں۔

معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکناں نوں سارے پاپاں توں، غلط طراں دیاں پیش گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔